

ত্রিপুরা হাফাঙ
ককথুম তেই হুকুমু দাগিখুঙ

স- ১৩৫১

আগরতলা, ২৫ সেপ্টেম্বর, ২০২৪

এনএলএফটি তেই এটিটিএফনি ৫৮৪ জনা আদঙ তঙকসঙ লামাঅ কিফিলখা
মন্ত্ৰি বখরক নর্থ-ইস্টনি হামক্ৰায়অ কায়সানি উল’
কায়সা য়াপিৰি রমাই তঙগ’ : মন্ত্ৰি অকরা



তঙকোঁচাঙনি বিসিংতাইন’ হামক্ৰায় আঙগ’। তঙকোঁচাঙ কৌঁই হীনখে বায়াপচারিনি হালক বউই মানয়া। থাঙনায় ২৪ সেপ্টেম্বর’ হাসতেনি বাগাঁই কায়সা লাইবুমা রৌকজাক সাল’ চাঙ জত’ নুকসঙ আঙগাঁই মানমা বায় খাতুঙজাক। অ সাল’ জম্পুইজলানি ত্ৰিপুরা স্টেট রাইফেলসনি সেভেনথ ব্যাটেলিয়াননি সদর নায়খুঙ বায় সঙচাজাক এনএলএফটি তেই এটিটিএফনি আদঙরক তঙকসঙ লামাঅ কিফিলীয় ফায়মান’ রৌগাঁই সঙচাজাক কায়সা পানদাঅ মন্ত্ৰি অকরা প্ৰফেসর (ডা.) মানিক সাহা অ কক সাখা। ব’ সাখা, অ সালনি সিমি সাউই মানখা ত্ৰিপুরা তাবুক বলঙ বরক বায় য়াককাকজাক হাসতে। মন্ত্ৰি অকরা সাখা, নরেন্দ্ৰ মোদি মন্ত্ৰি বখরক আঙমানি উল’ সামানি হাকতরনি নর্থ-ইস্টনি হামক্ৰায় আঙয়াউই ভারত হাকতরনি হামক্ৰায় আঙগাঁই মানয়া। আ নায়মুঙগন’ মন্ত্ৰি বখরক নর্থ-ইস্টনি হামক্ৰায়’ কায়সানি উল’ কায়সা য়াপিৰি রমাই তঙগ’। মন্ত্ৰি অকরা সাখা, থাঙনায় ৪ সেপ্টেম্বর’ কৌতাল দিল্লিঅ কেন্দ্ৰনি স্বরাষ্ট্ৰমন্ত্ৰি অমিত শাহনি মানজাকমুঙগ’ ভারত হাফাঙ, হাসতে হাফাঙ তেই এনএলএফটি তেই এটিটিএফনি বিসিং কায়সা তঙকোঁচাঙ গসিলায়মুঙ লায়’ সয় খৌলায়জাকখা। আবন’ রৌগাঁইন’ থাঙনায় ২৪ সেপ্টেম্বর’ অ কায়নায় মথানি আদঙরক বরগনি য়াকতলন’ য়াকারীই তঙকোঁচাঙ লামাঅ কিফিলীই ফায়খা।

পানদাঅ মন্ত্ৰি অকরা তেইব’ সাখা, নর্থ-ইস্টন’ খবাই ১২টা তঙকোঁচাঙ গসিমুঙ লায়’ সয় খৌলায়জাকখা। বনি বিসিং হাসতেনি বিসিং তঙগ’ কায়থাম। অ জত’ তঙকোঁচাঙ গসিমুঙনি বিসিংতাই নর্থ-ইস্টনি ১০ হাজার হয় সিনাই বালনায়রক য়াকারীই তঙকসঙ লামাঅ কিফিলীই ফায়খা।

হাসতেনি হামক্ৰায়নি সামুঙবীতাংন' বীসকাঙগ' আগুৰু তীলাঙনানি নায়মুঙগ' য়াকতল য়াকারীই তঙকসঙ লামাঅ কিফিলীই ফায়নায়রকন' মন্ত্ৰি অকরা লামসকখা। পানদাঅ এনএলএফটি তেই এটিটিএফ অ কায়নীয় মথানি আদঙরক মন্ত্ৰি অকরা প্ৰফেসর (ডা.) মানিক সাহানি য়াগ' বরগনি য়াকতলন' য়াফারখা। পানদাঅ লামসগীই ককমুঙ নারীকখা হাসতে পুলিশনি ডিজিপি অমিতাভ রঞ্জন। পানদাঅ মানজাক ফায়নায়রকনি বিসিং তঙগ' হাসতেনি চিফ সেক্ৰেটরি জে কে সিনহা, স্বরাষ্ট্ৰ নায়খুঙনি সেক্ৰেটরি ড. পি কে চক্ৰবৰ্তী আকসঙ। হামবায় য়াফারীই ককমুঙ নারীকখা হাসতে পুলিশনি ডিজি অনুরাগ ধ্যানকর।

পানদাঅ মন্ত্ৰি অকরানি য়াগ' এ-কে সিরিজনি রাইফেল য়াফারখা এনএলএফটি (বিএম) নি প্ৰেসিডেন্ট বিশ্বমোহন দেববৰ্মা, এনএলএফটি (পিডি) নি প্ৰেসিডেন্ট পৰিমল দেববৰ্মা, এনএলএফটি (ওআরআই)নি প্ৰেসিডেন্ট প্ৰসেনজিৎ দেববৰ্মা তেই এটিটিএফনি প্ৰেসিডেন্ট অলিন্দ্র দেববৰ্মা। এনএলএফটি তেই এটিটিএফ মথানি জতই ৫৮৪ জনা আদঙরক অ সাল' সিলাই য়াফারখা। বনি বিসিং এনএলএফটি (বিএম)নি ২৬১ জনা, এনএলএফটি (পিডি) নি ১০০ জনা, এনএলএফটি (ওআরআই) নি ১০০ জনা, এটিটিএফনি ১২৩ জনা। অ সিলাই য়াফারমুঙ পানদাঅ কায়নীয় মথানি বীখাকতীই ৯টা এ-কে সিরিজনি রাইফেল, রিভলভার ১টা, রাইফেল ১টা, য়াগ' সীনামমানি সিলাই ৮৯টা, ফ্যাক্টরীঅ সীনামনানি ৮টা সিলাই, ল্যান্ড মাইন ৭টা, পিস্তল ১৩ টান' খবীই জুদা জুদা য়াকতল য়াফারখা।
